

Uunga siunnersuut: Pisortat oqartussaaffigisaanni suliffeqarfiinilu nioqqutissanik kiffartuussinernillu pisiniarnermut tunngatillugu neqerooruteqartitsisarneq pillugu Inatsisartut inatsisaat nr. xx, xx. xxx 2018-imeersoq

(Inuussutissarsiornermut, Nukissiuuteqarnermut Iisimatusarnermullu Naalakkersuisoq)

Akissuteqaat

(Inuussutissarsiornermut, Nukissiuuteqarnermut Iisimatusarnermullu Naalakkersuisoq)

Aappassaaneerinnineq

Naalakkersuisut sinnerlugit ataatsimiititaliaq qutsavigissavara isumaliutissiissutaanik, siunnersuutip akuersissutigineqarnissaanik inassuteqarmata.

Ataatsimiititaliap Naalakkersuisunut piumasaqaatigaa immikkut malinnaavigeqqullugu aammalu nalilersoqqullugu, siunnersuummi aalajangersakkani §§ 17-imiittut aamma 30-imiittut aamma najukkani neqerooruteqartartut pisortat ammasumik neqeroortitsisarnerini qularnaarlugit peqataasalernissaannut.

Naalakkersuisut neqeroortitsisarnermi malittarisassat nutaat atortuulersinneqarnerini tamanna annertuumik pingaaruteqartutut isiginiarniarpaat, soorlutaaq Naalakkersuisut ingerlaavartumik nalilersortarniaraat tunngavissaqarnerisoq aningaasanut 500.000 kr.-it killiliussaasut allanngortinneqassanersut.

Naalakkersuisut sinnerlugit taamatut oqaaseqarlunga ataatsimiititaliaq qutsavigeqqissavarput peqqissaartumik suliaqarneranik, inassutigissallugulu siunnersuut saqqummiunneqartoq akuersissutigineqassasoq.